

Na osnovu Sporazuma broj: 01/2-6464/26 od 17. 04. 2026. godine, koji je potpisao Grad Bihać i Muslim Aid Association, Pravilnika o utvrđivanju uslova, kriterija i postupaka za ostvarivanje prava za sufinansiranje i dodjelu steonih junica broj: 01/2-6464-1/26 od 25. 05. 2026. godine, i Budžeta Grada Bihaća za 2026. godinu („Službeni glasnik Grada Bihaća“ broj 16/25), učešće grada u projektima iz oblasti poljoprivrede“ ekonomski kod 614311, Gradonačelnik objavljuje:

JAVNI POZIV za podnošenje zahtjeva za dodjelu steonih junica putem sufinansiranja

I OPŠTE INFORMACIJE

Grad Bihać, u saradnji sa nevladinom organizacijom Muslim Aid Association sa sjedištem u Sarajevu, raspisuje Javni poziv za podnošenje zahtjeva za dodjelu šesnaest (16) steonih junica. Projektom su obezbjeđena novčana sredstva od strane Grada Bihaća i Muslim Aid Association, a u cilju nabavke i dodjele steonih junica pasmine Simental, zemlje porijekla Njemačka, na području Grada Bihaća. Korisnik dobija steonu junicu sa pripadajućom dokumentacijom u skladu sa Zakonom o veterinarstvu u BiH.

II PRAVO UČEŠĆA

Pravo na učešće u Projektu imaju fizička lica (samo jedna osoba iz zajedničkog domaćinstva) čije je prebivalište na području Grada Bihaća, a posebno prioritetne kategorije stanovništva - nezaposlene osobe, porodice sa više članova i mlade osobe, a imaju vlastito poljoprivredno zemljište ili zemljište uzeto u zakup u površini od pet dunuma, i adekvatan štalski objekat lociran u blizini stambenog objekta u kojem isti stanuje.

Pravo na učešće nemaju zaposleni u gradskoj upravi i zaposleni u Muslim Aid Association, kao ni članovi njihove uže porodice (supružnici, roditelji, djeca, ako pripadaju istom domaćinstvu).

Pravo na učešće nemaju lica koja su u posljednje tri godine bili korisnici (aplikanti) donacije u zajedničkim projektima između Grada Bihaća i Muslim Aid Association.

Pravo učešća nemaju ni lica kao ni članovi njihovih porodica koji su prodali ili na drugi način otuđili donirana sredstva dobivena u svrhu održivog povratka poljoprivrednika u periodu zadnjih pet godina, (poljoprivredna mehanizacija, grla stoke, plastenici i sadnice voća).

III USLOVI ZA DODJELU STEONIH JUNICA

Podnosilac zahtjeva treba da ispunjava sljedeće opšte uslove:

OPŠTI USLOVI:

Aplikant mora ispunjavati sljedeće opšte uslove kako bi bio uvršten u rang listu potencijalnih korisnika.

1. Da je podnosilac prijave ili član njegove uže porodice vlasnik ili posjednik ili zakupac poljoprivrednog zemljišta u površini od pet dunuma.
2. Da je podnosilac prijave ili član njegove uže porodice vlasnik ili posjednik štalskog objekta adekvatnog za smještaj grla
3. Da će sufinansirati 15% od nabavne cijene steone junice (937,50 KM).
4. Da posjeduje u vlasništvu ili u vlasništvu užeg člana porodice najviše dva grla stoke (krave, junice, june/tele, bik), i najviše 30 grla sitne stoke,
5. Da obavezno, prisustvuje edukaciji iz oblasti uzgoja goveda,
6. Da u posljednje tri godine nije ostvario pravo na donacije u zajedničkim projekatima između Grada Bihaća i Muslim Aid Association.

POSEBNI USLOVI:

Na osnovu posebnih uslova će se izvršiti dodatno bodovanje aplikacija.

1. Broj članova zajedničkog domaćinstva,
2. Broj nezaposlenih punoljetnih članova zajedničkog domaćinstva,
3. Broj izdržavanih članova zajedničkog domaćinstva,
4. Evidencija na Birou za zapošljavanje podnosioca prijave ili potvrda da osoba nije poreski obveznik izdat od Porezne uprave
5. Samohrani roditelji,
6. Osobe mlađe životne dobi,
7. Štalski objekat (zoo higijenski i zootehnički uslovi u stajskom objektu),
8. Socijalni aspekt (stanje na terenu, imovinsko stanje, opšti dojam i sl.)

IV KRITERIJ ZA BODOVANJA PODNOSTELJA ZAHTJEVA ZA DODJELU STEONIH JUNICA

Kriterij za bodovanje podnosioca zahtjeva:

1. Broj članova zajedničkog domaćinstva
 - 1 -3 člana.....**1 bod**
 - preko 3 člana.....**2 boda**
2. Podnosilac zahtjeva nezaposlen -**3 boda**
3. Izdržavani član zajedničkog domaćinstva (nezaposlene osobe koje se ne nalaze na evidenciji nezaposlenih osoba Biroa za zapošljavanje, djeca, učenici, starije osobe bez evidencije na Birou ili potvrde da osoba nije poreski obveznik izdate od Porezne uprave)**1 bod**
4. Punoljetni nezaposleni član zajedničkog domaćinstva koji se nalazi na evidenciji nezaposlenih osoba Biroa za zapošljavanje ili ima potvrdu da nije poreski obveznik izdatu od Porezne uprave Grada Bihaća**1 bod**

5. Podnosilac zahtjeva samohrani roditelj**3 boda**
6. Starosna struktura podnosioca prijave:
- do 35 godina**3 boda**
 - od 35-45 godina.....**2 boda**
 - od 45-60 godina.....**1 bod**
 - preko 60 godina.....**0 bodova**
7. Brojnost stoke, (stoka mora biti u vlastitom vlasništvu ili u vlasništvu domaćinstva) :
- 0 grla stoke **2 boda**
 - 1 grlo stoke (krava, junica, june/tele, bik) , 30 grla sitne stoke.....**1 boda**
 - 2 grla stoke (krava, junica, june/tele, bik).....**0 bodova**

Komisija za odabir kandidata će prilikom terenske posjete izvršiti uvid u brojno stanje stoke u štalskom objektu aplikanta. Sva stoka zatečena u štalskom objektu aplikata smatrat će se da je u vlasništvu aplikanta ukoliko ne postoji drugačiji dokaz. Ukoliko korisnik posjeduje veći broj krupnih grla stoke od dva ili više od trideset grla sitne stoke, bit će diskvalifikovan iz dalje procedure odabira korisnika.

8. Pogodnost smještajnog kapaciteta štalskog objekta (0-4)

- prostor po grlu $\geq 10 \text{ m}^2$ (**1 bod**), $8-10 \text{ m}^2$ (**0,5 bodova**), $\leq 8 \text{ m}^2$ (**0 bodova**)
- osvjetljenje
 - vrlo dobro (veliki prozori preko 30% tlocrta objekta) **1 bod,**
 - djelimično (prozori od 10% do 30% tlocrta objekta) **0,5 bodova,**
 - slabo (manje od 10% tlocrta objekta) **0 bodova.**
- pristup vodi
 - automatizovan, automatska pojilica **1bod,**
 - ručni ali redovan **0,5 bodova,**
 - ograničen pristup **0 bodova.**
- opšte stanje objekta
 - nov ili renoviran građen od cigle, (star do 15 godina).....**1 bod,**
 - prosječno stanje (starost do 30 godina).....**0,5 bodova,**
 - vrlo star (starost preko 30 godina).....**0 bodova.**

9. a) socijalni aspekt

- domaćinstvo nema primanja**7 bodova,**
- primanja po članu domaćinstva do 50,00 KM **6 bodova,**
- primanja po članu domaćinstva od 50,01 do 100,00 KM **5 bodova,**
- primanja po članu domaćinstva od 100,01 do 200,00 KM **4 boda,**
- primanja po članu domaćinstva od 200,01 do 300,00 KM **3 boda,**
- primanja po članu domaćinstva od 300,01 do 400,00 KM **2 boda,**
- primanja po članu domaćinstva od 400,01 do 450,00 KM **1 bod,**

- primanja po članu domaćinstva veća od 450,00 KM **0 bodova,**

b) stanje na terenu i opći dojam (utvrđuje komisija na terenu) **0-8 bodova.**

Na osnovu terenskog uvida, komisija vrši procjenu ukupnog socijalno-ekonomskog položaja domaćinstva, uključujući:

- stambene i životne uslove,
- imovinsko stanje,
- stepen ranjivosti,
- prethodno iskustvo u bavljenju stočarstvom (uzgoj krupne stoke)
- održivost planiranog ulaganja.

ELIMINACIONI KRITERIJI

Aplikant će biti diskvalifikovan iz dalje procedure odabira ukoliko se utvrdi:

- mali prostor za držanje stoke (manje od 8 m² po grlu stoke),
- neuslovan štalski objekat (ne postoje jasje, više godina nije korišten, nije namjenjen za držanje stoke)
- nedostatak izvora vode za stoku,
- korisnik ne posjeduje prostor za držanje hrane

Ukoliko komisija na terenu ustanovi da aplikant ne posjeduje štalski objekat ili da je štalski objekat neuslovan za držanje stoke, aplikant će biti diskvalifikovan iz dalje procedure odabira. Pod neuslovnim štalskim objektom, osim gore navedenog, smatra se i improvizovani prostor ili neki oblik pomoćnog objekta bez minimuma potrebnih uslova za smještaj krupne stoke, što ocjenjuje komisija. Također, ukoliko komisija ustanovi da je štalski objekat udaljen preko 300 m putne komunikacije od mjesta prebivališta kandidata kao i da kandidat posjeduje veću brojnost stoke od one koja je dozvoljena javnim pozivom, isti će biti diskvalifikovan iz dalje procedure odabira.

U slučaju da dva ili više kandidata ostvare isti ukupan broj bodova, prednost se daje prema sljedećem redoslijedu:

- mlađa osoba,
- višečlano domaćinstvo,
- domaćinstvo sa većim brojem nezaposlenih članova.

V POTREBNA DOKUMENTACIJA

Uz popunjenu prijavu za dodjelu grant sredstava, podnosioci prijave su obavezni dostaviti potpunu, tačnu i vjerodostojnu dokumentaciju, kako slijedi:

A. OSNOVNA DOKUMENTACIJA (obavezna za sve podnosiocce prijave)

1. Ovjerena kućna lista,
2. CIPS prijava prebivališta podnosioca zahtjeva,
3. Dokaz o nezaposlenosti svih punoljetnih članova zajedničkog domaćinstva, izdat od Biroa za zapošljavanje. Za osobe koje nisu prijavljene na Birou za zapošljavanje (starije osobe)

potvrda da osoba nije poreski obveznik izdata od nadležne Porezne uprave Federacije BiH ili ovjerena kopija zdravstvene knjižice iz koje se vidi pečat nosioca osiguranja,

4. Potvrde iz škole/fakulteta za djecu/izdržavane članove domaćinstva ili kopiju dačke knjižice ili svjedočanstva (za djecu predškolskog uzrasta priložiti fotokopiju kopiju rodnog lista),

5. Za svakog zaposlenog člana navedenog na kućnoj listi, uvjerenje ili drugi dokaz o visini svih mjesečnih prihoda. Svaki dokument koji dokazuje visinu prihoda mora biti ovjeren i ne stariji od 3 mjeseca.

6. Za penzionere: posljednji ček od penzije ili potvrda banke (original ili ovjerena kopija),

7. Vlasništvo nad parcelom (kopija ZK izvadka ili Posjedovnog lista) ili ovjeren Ugovor/Izjava o zakupu poljoprivrednog zemljišta sa kopijom ZK izvadka ili Posjedovnog lista na minimalno pet godina,

8. Ovjerena Izjava da posjeduje štalski objekat u svom vlasništvu ili vlasništvu užeg člana porodice.

9. Ovjerena izjava da će korisnik podsticaja dobijeno grlo u vlastitom uzgoju zadržati najmanje pet godine od dana potpisivanja ugovora,

10. Ovjerena Izjava da će sufinansirati 15% od nabavne cijene steone junice (937,50 KM),

11. Ovjerena Izjava da u vlasništvu ili u vlasništvu užeg člana porodice posjeduje najviše dva grla stoke (krava, junica, june/tele, bik), ili najviše trideset grla sitne stoke.

12. Ovjerena Izjava da će prisustvovati jednodnevnoj edukaciji,

B. DODATNA DOKUMENTACIJA (dostavlja se ukoliko je primjenjivo)

Podnosilac zahtjeva dostavlja dodatnu dokumentaciju samo ukoliko pripada jednoj od navedenih kategorija:

- dokaz o statusu samohranog roditelja – smrtni list, pravosnažna presuda o razvodu braka ili drugi relevantan dokument kojim se dokazuje status samohranog roditelja (original ili ovjerena kopija),
- dokaz o invaliditetu podnosioca zahtjeva i/ili člana domaćinstva (dijete, bračni drug i sl.), izdat od nadležne stručne/medicinske komisije (original ili ovjerena kopija).

C. IZJAVE

Izjave navedene pod rednim brojevima 7., 8., 9., 10., 11 i 12. podnose se na zajedničkom obrascu „IZJAVA“, koji se može preuzeti u Službi za finansije i privredu Grada Bihaća.

VI PROVOĐENJE POSTUPKA PO JAVNOM POZIVU

Gradonačelnik Grada Bihaća imenuje Komisiju za odabir korisnika za dodjelu steonih junica.

Komisiju čine:

- predstavnik organizacije Muslim Aid Association Sarajevo,
- dva predstavnika Grada Bihać

Komisija je nadležna za:

- pregled i administrativnu provjeru svih pristiglih prijava,
- evidentiranje podnosilaca zahtjeva koji ispunjavaju uslove iz Javnog poziva,
- provođenje terenskog uvida (uviđaja na licu mjesta) radi provjere navoda iz prijave,
- bodovanje prijava u skladu s utvrđenim kriterijima,
- utvrđivanje i objavu preliminarne liste odabranih korisnika.

Preliminarna lista odabranih korisnika objavljuje se:

- na oglasnoj ploči Grada Bihaća i
- na službenoj web stranici Grada Bihaća

Podnosioci zahtjeva mogu uložiti pisani prigovor na preliminarnu listu, uz odgovarajući dokaz u roku od osam (8) dana od dana objavljivanja preliminarne liste.

Prigovori na preliminarnu listu po javnom pozivu podnose se u pisanoj formi Komisiji za žalbe gradskog vijeća putem Službe za financije i privredu.

Nakon okončanja postupka po prigovorima, na prijedlog komisije gradonačelnik donosi konačnu listu koja se objavljuje na oglasnoj ploči Grada Bihaća i web stranici Grada Bihaća.

.

VII NAČIN I ROK PODNOŠENJA PRIJAVA

Prijava na Javni poziv sa dokumentacijom se dostavlja u zatvorenoj koverti na Protokol Grada Bihaća ili preporučeno putem pošte, na adresu:

Grad Bihać, Bosanska 4, 77 000 Bihać

**Sa naznakom: "Prijava na Javni poziv dodjele steonih junica –
„NE OTVARATI”**

Prijavni obrazac za korisnike, kao i obrazac „IZJAVA“ (za uslove iz člana 6. tačka 7., 8., 9., 10., 11 i 12), mogu se preuzeti na info pultu Grada Bihaća i službenoj web stranici Grada Bihaća.

Rok za predaju prijava je 21 dan od dana objave ovog Javnog poziva na službenoj web stranici Grada Bihaća, te na oglasnoj ploči Grada Bihaća..

Sve dodatne informacije mogu se dobiti u Službi za finansije i privredu na broj telefona 037/ 229-630: 037/ 229-657, svakim radnim danom od 07 - 15 i 30 sati.

Nepotpune i neblagovremene prijave neće se uzeti u razmatranje.

Broj: 01/2-6464-2/26

Datum: _____

Gradonačelnik

Elvedin Sedić

